



monmouthshire  
sir fynwy

Cyngor Sir Fynwy  
Neuadd y Sir, Y Rhadyr,  
Brynbuga, Sir Fynwy  
NP15 1GA  
Monmouthshire County Council  
County Hall, Y Rhadyr, Usk,  
Monmouthshire  
NP15 1GA

Ffôn/Tel: 01633 644 644  
Web/Gwefan: [www.monmouthshire.gov.uk](http://www.monmouthshire.gov.uk)  
Ein Cyf/Our ref:  
Eich Cyf/Your ref:

## DERBYNIAD I YSGOL UWCHRADD – MEDI 2022: GWYBODAETH I RIENI

Gofynnir i chi ddarllen y nodiadau hyn yn ofalus cyn cwblhau eich ffurflen gais.

Argymhellwn yn gryf eich bod yn darllen Llyfryn Dechrau Ysgol 2022/23 gan fod hyn yn cynnwys gwybodaeth fanylach am y broses ymgeisio. Mae copi o'r llyfryn ar gael oddi wrth [www.monmouthshire.gov.uk](http://www.monmouthshire.gov.uk) neu drwy'r post ar gais.

**Pwysig:** Gofynnir i chi sicrhau eich bod yn cwblhau ffurflen gais derbyniad ysgol er mwyn i'ch plentyn gychwyn mewn Ysgol Uwchradd ym mis Medi 2022. **Ni all** eich plentyn cychwyn mewn Ysgol Uwchradd heb ddilyn y broses ymgeisio. P'un ai a ddewiswch wneud cais ar-lein neu drwy ffurflen gais ar bapur, gofynnir i chi sicrhau y caiff ei dychwelyd cyn y dyddiad cau o'r 24<sup>ain</sup> Tachwedd 2021 erbyn hanner nos er mwyn cynyddu'r posibilrwydd y caiff eich plentyn gynnig lle yn eich dewis ysgol.

### **Ar gyfer faint o ysgolion ddylwn i wneud cais?**

Gwahoddir rhieni i fynegi hyd at dri dewis (yn nhrefn blaenoriaeth) rhag ofn y gwrthodir lle ar gyfer eich plentyn yn eich ysgol dewis cyntaf.

Anogir rhieni/gwarcheidwaid i gynnwys mwy nag un dewis ar eu cais i'w hystyried. Os bydd eich dewis ysgol yn cael ei gwrthod, bydd methu â rhoi mwy nag un dewis yn golygu y bydd yr awdurdod yn neilltuo lle yn eich ysgol agosaf nesaf sydd ar gael. Os byddwch yn rhoi gwybod inni am ddewisiadau eraill ar ôl i'r penderfyniad hwn gael ei wneud, efallai bydd yr holl leoedd sydd ar gael yn eich ysgol/ysgolion amgen wedi'u cymryd.

Mae Cyngor Sir Fynwy yn gweithredu cynllun dewis cyfartal. Mae hyn yn golygu y bydd pob un o'ch dewisiadau yn cael eu hystyried yn gyfartal a'u blaenoriaethu ar sail meini prawf gor-alw'r awdurdod. Os oes mwy nag un o'ch dewisiadau ar gael, byddwn yn cynnig y dewis gorau o'r rheiny i chi. Dylech gynnwys unrhyw ddewisiadau ar gyfer ysgol wirfoddol a gynorthwyir/annibynnol. (Bydd hefyd yn ofynnol i chi wneud cais yn uniongyrchol i ysgol wirfoddol a gynorthwyir/annibynnol)

### **Pwy ddylai wneud y cais?**

Rhaid i geisiadau ar gyfer derbyniad ysgol gael eu cwblhau gan y person sydd â chyfrifoldeb rhiant am y plentyn. Mae'n rhaid i bob parti sydd â chyfrifoldeb rhiant gytuno i'r cais a gyflwynir. Os bydd unrhyw anghydfod rhwng y rhai sydd â chyfrifoldeb rhiant yng nghyswllt y cais, ni all yr Awdurdod Lleol symud ymlaen gyda'r cais nes y cafodd yr anghydfod ei ddatrys.

## **Beth os wyf am wneud cais am Ysgol sydd y tu allan i Sir Fynwy?**

Os ydych yn breswlydd yn Sir Fynwy, yna rhaid i chi barhau i wneud cais i Gyngor Sir Fynwy, hyd yn oed os yw'ch dewis ysgol yn un nad yw o fewn Sir Fynwy. Yna byddwn yn cysylltu â'r awdurdod lleol perthnasol ar eich rhan.

**Pwysiq:** Yr unig eithriad i'r uchod yw os ydych yn gwneud cais am ysgol sydd o fewn Cyngor Dinas Casnewydd. Rhaid i geisiadau ar gyfer ysgolion sydd o fewn Cyngor Dinas Casnewydd gael eu gwneud yn uniongyrchol i Gyngor Dinas Casnewydd erbyn eu dyddiad cau cyhoeddedig er mwyn cael eu hystyried. ***Rydym yn eich cynghori'n gryf i gwblhau a dychwelyd cais Sir Fynwy i roi gwybod i ni beth yw eich dewis ar gyfer Ysgol o fewn Casnewydd, a chynnwys unrhyw ysgolion eraill (yn nhrefn eu blaenoriaeth) yr hoffech i ni eu hystyried.***

Os ydych yn dymuno gwneud cais am le mewn Ysgol Wirfoddol a Gynorthwyr / Ysgol Annibynnol, bydd rhaid i chi wneud cais yn uniongyrchol atynt.

## **Manylion cyfeiriad - beth os byddaf yn symud?**

Gofynnir i chi sicrhau mai'r cyfeiriad a nodir ar eich ffurflen gais yw cyfeiriad cartref parhaol eich plentyn. Dyma'r cyfeiriad y bydd yr Awdurdod Lleol yn ei ddefnyddio i benderfynu ar gais eich plentyn. Bydd yr Awdurdod Lleol yn cynnal gwiriadau preswylad trwyadl er mwyn dilysu manylion y cyfeiriad a nodwyd.

Bydd yn ofynnol i Rieni/Gofalwyr sydd wrthi'n symud eiddo hysbysu'r Awdurdod Lleol **ar adeg gwneud y cais** o ran y symud arfaethedig a chyflwyno tystiolaeth i ddilysu eu cyfeiriad newydd, er mwyn i'r cyfeiriad hwn gael ei ystyried. Tystiolaeth addas fyddai copi o gyfnewid contractau (ar gyfer pryniannau) neu gytundeb tenantiaeth tymor hir (ar gyfer trefniadau rhentu). Rhaid cyflwyno'r cais a hysbysu ynghylch newid cyfeiriad arfaethedig cyn y dyddiad cau cyhoeddedig er mwyn cael ei ystyried fel cais mewn pryd. Os methir â hysbysu'r Awdurdod Lleol am symud arfaethedig i gyfeiriad newydd cyn y dyddiad cau cyhoeddedig, bydd y cais yn cael ei bennu fel un hwyr.

Bydd angen i rieni/gofalwyr sydd wrthi'n symud, ond nad ydynt yn gallu dilysu'r symudiad cyn y dyddiad cau, sicrhau bod eu cais wedi'i gwblhau yn cael ei gyflwyno cyn y dyddiad cau cyhoeddedig, a bod y cais yn rhoi gwybodaeth am y bwriad i symud. Bydd yr Awdurdod Lleol yn cysylltu â rhieni/gofalwyr ynglŷn â'r symud arfaethedig er mwyn cael cadarnhad bod preswylad yn yr eiddo newydd wedi'i sicrhau. Fodd bynnag, bydd angen i rieni roi tystiolaeth i'r awdurdod lleol sy'n sicrhau eu bod yn newid cyfeiriad ddim hwyrach na 6 wythnos cyn y dyddiad cynnig cyhoeddedig er mwyn i'r cyfeiriad newydd gael ei ystyried at ddibenion dyrannu.

*Cymerwch ychydig o amser i astudio'r Llyfryn Dechrau Ysgol 2022/23 am wybodaeth fanylach am y broses os ydych yn ystyried symud cyfeiriad.*

## **Beth mae'n ei olygu os caiff fy nghais ei benderfynu fel un hwyr?**

Caiff unrhyw geisiadau a dderbynnir ar ôl y dyddiad cau, neu geisiadau sy'n parhau'n anghyflawn ar y dyddiad cau, eu trin dan y trefniadau ar gyfer ceisiadau hwyr.

Bydd ceisiadau lle bu newid mewn amgylchiadau, sydd ag effaith ar statws y cais o fewn y meini prawf gorlawn, yn golygu y caiff y cais ei drin fel un hwyr os deuir â'r newidiadau hyn i sylw'r Awdurdod ar ôl y dyddiad cau.

Dylid nodi y gall ceisiadau y penderfynir eu bod yn rhai hwyr gynyddu'r posibilrwydd na fyddwch yn sicrhau lle yn eich Ysgol/Ysgolion dewisol. Mae hyn oherwydd y bydd pob cais a gyflwynir gyda'r dystiolaeth angenrheidiol cyn y dyddiad cau yn derbyn blaenoriaeth dros y rhai a dderbynnir ar ôl y dyddiad cau.

### **Sut y caiff fy nghais ei benderfynu?**

Mae'r Awdurdod Lleol wedi ymrwymo i weithio gydag Ysgolion a rhieni i gydymffurfio â'ch dewisiadau, lle bynnag mae hynny'n bosibl. Fodd bynnag, mae achlysuron lle na allwn ddarparu ar gyfer dymuniadau rhiant.

Cewch eich cynghori'n gryf i gynnwys mwy nag un dewis ar eich ffurflen gais, y gallwn wedyn ei ystyried pe byddech yn aflwyddiannus yn eich cais am eich Ysgol ddewisol gyntaf. Caiff eich dewisiadau eu hystyried yn gyfartal yn unol â meini prawf gor-âl w'r Awdurdod Lleol a chynigir eich ysgol ddewisol gyntaf i chi os gellir darparu ar gyfer mwy na un dewis - ni fyddwch dan anfantais mewn unrhyw ffordd drwy gynnwys mwy nag un dewis ar eich cais, ond gallech fod dan anfantais os na wnewch hynny.

Os bydd yr Awdurdod Lleol yn derbyn mwy o geisiadau nag sydd o leoedd ar gael yn yr ysgol ddewisol gyntaf, gweithredir y meini prawf isod er mwyn dewis yr ymgeiswyr llwyddiannus:

Plant sydd â Datganiad o Anghenion Addysgol Arbennig (gofyniad statudol ar gyfer derbyn)

1. Bydd plant sy'n derbyn gofal neu blant oedd yn derbyn gofal yn flaenorol h.y. plant sydd dan ofal neu sydd wedi bod o dan ofal yr Awdurdod Lleol yn cael blaenoriaeth dros y rhai sy'n bodloni pwyntiau 2-9 isod.
2. Rhoddir blaenoriaeth i blant ag amgylchiadau meddygol eithriadol dros y rhai sy'n bodloni pwyntiau 3-9 isod
3. Rhoddir blaenoriaeth i blant sy'n byw yn nalgylch yr ysgol a ffafrir sydd â brodyr a chwiorydd perthnasol dros y rhai sy'n bodloni pwyntiau 4-9 isod
4. Bydd plant sy'n byw y tu allan i ddalgylch i'r ysgol a ffafrir, ond gyda brodyr a chwiorydd perthnasol a fydd yn parhau i fod yn bresennol yn yr ysgol a ffafrir oherwydd eu bod yn aflwyddiannus yn eu cais am le yn yr ysgol ddalgylch yn cael blaenoriaeth dros y rhai sy'n bodloni pwyntiau 5-9 isod
5. Bydd plant sy'n byw y tu allan i'r dalgylch, ond gyda brodyr a chwiorydd presennol sydd wedi'u cofrestru yn yr ysgol a ffafrir erbyn Medi 2019, yn cael blaenoriaeth dros y rhai sy'n bodloni pwyntiau 6-9 isod
6. Rhoddir blaenoriaeth i blant sy'n byw y tu mewn i ddalgylch yr ysgol a ffafrir dros y rhai sy'n bodloni pwyntiau 7-9 isod
7. Bydd plant sy'n byw y tu allan i ddalgylch yr ysgol a ffafrir, gyda brawd neu chwaer perthnasol (a fydd yn bresennol yn yr ysgol a ffafrir ar adeg derbyn) nad

yw'n bodloni pwyntiau meini prawf 4 a 5 uchod, yn derbyn blaenoriaeth dros y rhai sy'n bodloni pwyntiau 8-9 isod

8. Rhoddir blaenoriaeth i blant sydd ar y gofrestr mewn ysgol gynradd sydd wedi eu dynodi i fod yn ysgol fwydo ar gyfer yr ysgol uwchradd a ffafrir dros y rhai sy'n bodloni pwynt 9 isod
9. Ar ôl cymhwyso'r categorïau uchod, neu os yw'r ysgol yn parhau i fod mewn sefyllfa o ordanysgrifio yn unrhyw un o'r categorïau uchod, bydd y flaenoriaeth yn seiliedig ar agosrwydd i'r ysgol a ffafrir, wedi'i fesur gan ddefnyddio'r llwybr cerdded diogel byrraf.

Cymerwch ychydig o amser i astudio Llyfryn Dechrau'r Ysgol 2022/23 am wybodaeth fanylach ar feini prawf gor-alw'r Awdurdod Lleol.

### **Mae gan fy mhlentyn gyflwr meddygol – a fydd yn cael blaenoriaeth ar gyfer lle mewn ysgol?**

Bydd angen i rieni sy'n dymuno i amgylchiadau meddygol eu plentyn gael eu hystyried ar gyfer blaenoriaeth lleoliad ysgol, yn ôl pwynt 2 o feini prawf gor-alw'r awdurdod uchod, gyflwyno tystiolaeth addas ar adeg gwneud y cais er mwyn i'r amgylchiadau i'w hystyried gan yr Awdurdod yn ystod y broses ddyrannu gyghwynol. Gall tystiolaeth addas fod yn adroddiad ymgynghorydd meddygol.

Ni fydd yn bosibl i'r awdurdod ystyried unrhyw amgylchiadau meddygol os bydd y dystiolaeth ategol yn dod i law ar ôl 1af Mawrth 2022 pan fydd yr holl leoedd sydd ar gael wedi'u dyrannu.

### **Mae gan fy mhlentyn frawd neu chwaer yn yr ysgol yn barod – a fydd yn cael lle yn awtomatig yn yr ysgol hon?**

Ystyrir brodyr a chworydd, boed rhai llawn, hanner, llys neu wedi maethu, yn berthnasol pan fyddant yn byw gyda'i gilydd yn yr un cyfeiriad a phan fydd y plentyn hŷn dal i fod wedi'i gofrestru yn yr ysgol pan fyddai'r un ieuengaf yn gymwys i fynychu.

Ni all yr Awdurdod Lleol warantu lle yn eich ysgol ddewisol ar y sail bod ganddynt frawd neu chwaer yn mynychu'r ysgol a ffafrir. Fodd bynnag, mae brodyr a chworydd yn rhan o'r meini prawf ar gyfer gor-alw fel y dangosir uchod.

### **A fydd modd gwarantu lle i fy mhlentyn yn fy ysgol ddalgyrch?**

Er bod preswyllo o fewn dalgyrch eich dewis Ysgol yn ffurfio elfen o'r meini prawf ar gyfer achos o fwy o alw nag o leoedd ar gael, nid yw'n gwarantu lleoliad ar y sail yma. Mae manylion dalgylchoedd ysgolion ar gael ar [www.monmouthshire.gov.uk](http://www.monmouthshire.gov.uk).

Cyfrifoldeb rhieni yw sicrhau y derbynir ceisiadau ar-lein neu ffurflenni dewis erbyn y dyddiad cau o'r 24<sup>ain</sup> Tachwedd 2021 (12 hanner nos). Argymhellwn yn gryf eich bod yn anfon eich ffurflen mewn dull lle cewch dystiolaeth bod y Cyngor wedi'i derbyn, er enghraifft gan ddsbarthiad arbennig y Post Brenhinol neu drwy fynd â hi gyda llaw i'n swyddfeydd. Nid yw'r Awdurdod Lleol yn derbyn unrhyw gyfrifoldeb am ffurflenni a aiff ar goll yn y post neu a gaiff eu dychwelyd oherwydd nad oes stampiau o werth ariannol digonol arnynt.